



Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 36. Ludovicus Franciæ in Occitania.

[urn:nbn:de:hbz:466:1-66406](#)

Sedis cum Comite Montfortio Carcas. Sæcul. XIII.
sonam petiit.

A.C. 1215.

§. XXXVI.

Ludovicus Franciæ in Occitania.

Hoc anno millesimo ducentesimo de-
cimo quinto Ludovicus Regis Fran-
ciæ filius, cum Induciis inter parentem
suum & Regem Angliæ initis, vacaret,
votum ante triennium editum impletu-
tus, contra Albigenses in Occitaniam
movit, comitantibus Principem suum
compluribus Optimatibus, duobusque
Episcopis Belvacensi & Carcassonensi,
quippe iste haud diu ante, a Comite
Montfortio rogatus, ad negotia sacræ
expeditionis curanda, in Franciam ve-
nerat. Locus, in quem sacri milites
convenirent, indictus erat Lugduni, ad
diem Paschæ, quod Festum hoc anno
in diem decimam nonam Aprilis incide-
bat. Comes Montfortius Ludevico
Principi, Domino suo, Viennam usque,
& Petrus Beneventanus, Legatus, Va-
lentiam obvios se se intulerunt. Porro
Petrus Legatus Tolosanis, Narbonensi-
bus aliisque Comitis Montfortii hosti-
bus, secreto a Censura absolutis, Tolo-
sam, Narbonam, aliasque Hæreticorum
urbes suo præsidio tuebatur; timebat
enim, ne Ludovicus, Regis Franciæ, su-
premi totius Regionis Domini, filius na-

tu

c. 82.



Sæcul. XIII. tu maximus, has urbes vel occupare,
A. C. 1215. vel destrueret. Unde multi credebat,
adventum hujus Principis Legato haud
probari, qui dicebat: *Cum Regionem i-*
stam Hæresis infecisset, Rex Francia
sæpe rogatus, ut eam ab hac lue pur-
garet, id efficere omisit, quare, postquam
modo Papa, Crucigerorum auxiliis mu-
nitus, has provincias in suam rededit
potestatem, æquitati consentaneum effe-
mibi non videtur, ut Ludovicus, me in-
vito, quidquam moliatur, maxime quia
tanquam Cruce signatus & pie peregrinans
venit. Ludovicus, mitissimi inge-
nii Princeps, Legato respondit, nihil le
præter ejus voluntatem & consilium
esse moturum. Attentus Lector in hoc
loco notabit Curiæ Romanæ consilia &
opinionem, subactas a Crucigeris mil-
tibus Ditiones Papæ jure subjici.

Ludovico Principe, Valentia ad S. Egydium profecto, advenerunt Comes Montfortius & Delegati Concilii Montispeßulani ad Papam, afferentes literas quibus Pontifex Comiti Montfortio custodiam omnium ditionum, quas Crucigeri tenebant, committebat, quod de tanto negotio accurate decerneret Concilium Generale, eodem anno mente Novembri celebrandum. In Epistola ad ipsum Comitem Montfortium data hic Princeps insigni elogio exornabatur,

cum

eumque hortabatur Papa; in obsequio **Sæcul. XIII.**
I^Esu Christi (hoc enim nomen bello in **A.C. 1215.**
Albigenses dabatur) perseveraret, & si-
gnificabat, se cunctis Baronibus, Consu-
libusque illarum provinciarum præce-
pisse, ut ei in omnibus, quæ ad pacem
& fidem spectarent, obedirent. Ergo
Petrus Legatus, ut mandata Pontificis
exequeretur, cum haud diu post Carcas-
sonæ cum Ludovico Principe versaretur,
Episcopis & Nobilibus viris, qui obse-
quii causa Principem, Regni Hæredem,
sequebantur, in ædes Episcopales con-
vocatis, Montfortio Comiti, ibidem e-
tiam præsentि, custodiam illius regionis,
usque ad futurum Concilium universa-
le, tradidit. Inde Tolosam ventum,
cujus urbis mœnia dejecta. Tumque
Ludovicus Princeps ceterique sacri &
peregrini milites, voto quadraginta dies
militandi impleto in Franciam redierunt.
Petrus quoque Beneventanus Legatus,
cum ea, quæ sibi mandata fuerant, effe-
ctui dedisset, Romam repetiit.

§. XXXVII.

*Ioannes Rex privilegia Anglorum
confirmat.*

In Anglia post Natalem Domini anno **Math. Par.**
salutis millesimo ducentesimo decimo **an. 1215.**
quarto Regni Proceres, Londini colle-

Z 3

cti,